

BIGGER CASINO. MORE GAMES. NEW RESTAURANT.

LOCATED AT THE TROPICANA ARUBA RESORT AND CASINO

MORE FUN
VALUE
VARIETY
TROP
CLUB & CASINO

J.E. IRAUSQUIN BLVD. 248, ARUBA, DUTCH CARIBBEAN | TROPARUBA.COM | (297) 587-9100 | A TROPICANA ENTERTAINMENT CASINO TROPICANACASINOS.COM

Aruba Lions a celebra si di 68 charter night

ORANJESTAD(AAN) Recientemente miembronan di Aruba Lions Club, acompaña pa nan distinguida Lioness, hunto cu invitadonan, a celebra e di 68 Charter Night. Na september 1947 Aruba Lions Club a wordo funda y na januari 1948 e directiva a wordo instala, pa cual rason na final di januari Aruba Lions Club ta celebra su anja di existencia, e anja aki di 68. E celebracion a tuma lugar den Conference Room di La Cabana Beach and Racquet Club, cu su acostumbrado protocolnan Leonistico. E anja aki a reconoce CL Jaime Laclé, su 15 añu como miembro. Tambe a reconoce dos Lions pa nan dedicacion den servicio na co-



munidad cu un Melvin Jones Award. E prome ta CL Igor Croes cu pa algun anja caba ta yudando tur nos grandinan den cas di cuidu cu e servicio dental, esta drecha y acomoda nan djente falso, gratuitamente. Casi tur siman durante anja, cu e SMILE MOBILE, CL Igor

Croes huntu cu su colega Sra. Magali ta riba caminda. Tambe CL Roccini Anthony a ricibi un Melvin Jones Award pa percura cu esnan cu ta bati na porta di Aruba Lions Club pa un cama di hospital y/o un rolstoel por hanja esaki entrega na nan cas. E Melvin Jones Award a wordo ricibi door pa CL Hervé Ruiz, miembro di e comite encarga cu cama y stoel. Miembronan cu a destaca como Leon durante tur e añu nan den Aruba Lions Club, tin mas cu 20 anja como miembro y a jega un cierto edad, por wordo aproba un Life Membership. E anja aki Sr. George Simon y CL Jacinto (Chinto) Tromp a ricibi nan Life Member. CL George Simon pa hopi anja ta dirigi e Comite di



Christmas Basket, cual tur fin di anja ta encarga pa reparti basket na esnan cu mas den necesidad. Tambe CL Simon ta encarga pa algun anja caba pa tene cede di Aruba Lions Club limpi y na ordo, y percura pa asina nos por tene nos reunion tur diarason. CL Chinto Tromp tabata pa hopi anja miembro di e comite di rolstoel. Despues a sigi cu instalacion di nos miembro nobo, Sr. Alwin Boekhoudt, cual tabata na encargo di CL Frank Croes, den presencia di su sponsor CL Edwin Tromp. Despues di wak rond y hanja sa su animo pa juda comunidad den un forma, CL Edwin Tromp a aserca Sr. Boekhoudt pa bira miembro di Aruba Lions Club, cual ela acepta. Na final President di Aruba Lions Club CL Francis Leo a gradici tur presente y huntu a hisa e champagne pa brinda pa añu 68. E anja Leonistico no a caba ainda, y ALC tin hopi actividad

pa hasi pa su miembro y pa comunidad. ALC ta trahando duro pa tin e rifa di cas 100% bendi, pa asina por sigi duna sosten na esnan den necesidad den comunidad. For di aki ta sali palabranan di agradecimiento pa tur cu den un forma of otro a yuda contribui na exitoso anochi aki. Aruba Lions Club ta un club di servicio y ta bon conoci riba nos isla pa su forma activo di juda cu proyectonan pa comunidad. E ta conta cu 43 miembro y administrativamente ta resorta bou di Distrito E1, cual distrito ta cubri e area regional Aruba, Boneiro, Corsou y estadonan Falcon, Zulia, Trujillo, Merida y Tachira y e parti pabou di estado Apure. Anualmente Aruba Lions Club ta recauda fondo door di e rifa di cas y otro eventonan. E fondo aki ta wordo inverti bek den nos comunidad a traves di un lista largo di organisacion i instancianan den necesidad.